

一笠菴新編一捧雪傳奇

一捧雪目錄

上卷

樂圃

囑訓

燕遊

征遇

豪晏

婪賄

勢索

偽獻

醉洩

諧膺

搜邸

遣邏


關攬

出塞


代戮













一棒雪



一笠菴新編一捧雪傳奇卷上

蘇門嘯侶筆

談槃末上

木蘭花扣角狂歌擊壺長嘯英雄空與天公鬧買曲  
青山學種瓜尋溪碧水閒垂釣 撚斷吟髭敲殘詩  
料虛空嚼破填真焰半生夢繞浣花溪一聲響徹陽  
春調

鳳凰臺上憶吹簫莫氏無懷豪門誤引奸人默獻珍  
瑤豈騰那掇賺醉洩根苗堪恨讒挑搜邸掛冠去薊

鎮擒牢逢再友捐軀義僕脫網生逃 鴟鴞奸唆假  
首羨俠烈貞姬殺賊生拋痛妻遭流徙子匿衡茅一  
旦扣關擊賊邊關上骨肉欣遭一捧雪團圓會合千  
載名標

忠孝子奸收拾處裏逃生的無懷父  
捐軀僕恰配享千貞萬烈的薛艷娘  
仗義師堪媲美鐵膽銅肝的元敬友  
趨炎漢活現出負恩忘義的中山狼

第一齣

樂圃 尤侯

商調引子鳳凰閣生三髯冠帶上千秋尚友一枕羲皇清

晝自慚無骨可封侯長嘯獨傾千斗平園十畝盟伴  
侶聞雲浪鷗漁家傲烏兔如梭忙不了何奈何漢渾  
難曉富貴翻藏煩惱誰知道英雄却被憎人笑

明月半灣松際焰輕舸一葉溪邊釣朝市不聞閒福  
好堪娛老人人說得誰行到下官姓莫名懷古字無  
懷錢塘人也爽葉思承黃閣三朝膺吐握之勤沖齡  
望斷白雲牛車切椿萱之痛幸賴先人恩蔭官至同  
卿夫人符氏有子莫昊遙遙華胄簇簇名家交知悉

佩玉鳴珂什襲盡金章紫誥只是我詩書蘊藉素不  
媿儒者流裘馬豪華恥爭呼貴家子千秋賞鑒不少  
漢鑄泰鎔四壁圖書盡是唐描宋繪山林之興雖不  
復淺但雞肋功名嘗懷夢寐宅後有一嘯圃疊石通  
渠茂林修竹頗自有致今早園丁來報梅花大開不  
免與夫人同往一遊院子那裏二雜上衣冠傳累世  
柱石歷三朝老爺有何分付生請夫人和雪艷姐出

來雜傳介旦上

遠池遊春允微逗漸染絲絲柳釀餘寒松梢瓊玖小

日上雲鬟淡雅冰姿消瘦老日上恍逍遙三山十洲  
各見介生夫人園中梅花盛開可同往一玩旦如此  
却好生易服同行介數目不窺園黃鸝已三請旦移  
石動雲根栽花鋤月影雜園丁那里淨上園丁園丁  
打掃臺亭偷花換酒終日昏昏作閒園入介生夫人  
你看花霧濛濛香風陣陣古幹輕裁玉寒梢細點瓊  
果然好奇觀也旦只此平園十畝梅何異錦繡萬花  
谷生唱衆合介

商調過曲梧桐樹犯羅浮夢裏遊姑射雲中岫怎如我寒

玉千林收拾來襟袖看高低亭榭和香構遠近峯巒  
疑雪浮五更轉橫斜影弄清溪瘦剪剪蘋風一片幽  
芬輕透生對此好景可無斗酒酬之且看酒過來小  
且進酒衆合唱介

南呂浣溪沙詩滿囊樽有酒對孤芳助興消愁飛飛花  
片苔如繡轉轉鶯聲香欲流斜陽照看取那影亭亭  
移素手宛身在衆香國裏淹留且妾聞相公幾時要  
北行麼生作意在仲春起程了且相公你宦趣已嘗  
天倫足樂况園中景致頗饒何不在家逍遙朝夕又

去沾惹那洛陽塵也。生我雖未占瓊林亦思少展一  
割之能豈可鬱鬱作垂祿子乎况嚴東樓累次致書  
相約這是一定要去的。旦若說嚴家一發差了他  
是  
冰山何足倚仗後須防玉石之難分今當慮喜怒之  
不測

劉潑帽五侯七貴興亡驟況池魚林木堪憂。生門牆  
桃李盈朝右展一籌不枉却簪纓胄。丑上報介翰林  
吳爺到門拜訪說必要面見的。生既如此我且回宅  
旦天色傍晚妾亦進去了。生分付園丁打掃亭子我



一棒雪

少頃就要來看月的淨曉得生瘦到梅花應有骨且  
小旦幽同明月本無心各下付淨破衣帽持紙畫上  
翰墨生涯久斯文事業新區區姓湯名勤號北溪蘇  
州人氏從幼學得一手好裱褙真箇用帚通神使漿  
得法憑你簇新書畫弄得假舊逼真饒他破絹零星  
托起生成一片微名頗有生意甚多只因好嫖好賭  
又要沉沒人的東西弄得鬼也沒得上門了更遭兩  
箇荒年妻死家破蘇州難以棲身只得逃到杭州寄  
身寺院勉強裱幅畫兒賣來度日正是好日去了惡

日來三分似人七分鬼不免捱到前面去走介

秋夜月裱補休主傾都趕走骨董騙人嘗出醜終朝  
營趁難糊口作寒顛介怪春寒恁陡怕殘生不久作  
避簷下介生上雜隨介

東甌令霞千縷月一鉤好伴梅魂凝醉眸看歸鴉幾  
點爭先後晚炊起爐橫爇見付淨介呀這是什麼人  
行藏羞澀避簷頭須早叩根繇雜問介付淨跪介小  
的是裱補的在街上賣幾軸紙畫見老爺到來故此  
迴避生既如此起來指介這就是你裱的麼付淨是

一捧雪

生接看介字畫雖醜裱却甚好你姓甚麼付淨小的

湯勤生既有此長技爲何如此充景付淨

金蓮子只爲年歲憂沉兼疾病多憊慙生你還曉得

什麼付淨識古玩唐漢商周生曉得古董這又妙了

叫什麼號付淨斗膽寫小招牌北溪名浪說在蘇州

生元來你是蘇州人我且對你說我上京要裱許多

書畫你就住在我家裝裱付淨多謝生對雜介取一

套巾服與他更換收拾廂房與他居住今後都稱他

湯先生便了雜曉得

尾聲生邂逅間相成就付淨漠恩大德怎能酬合須  
信道飲啄皆緣宿世修

生隴頭無寄恰相逢

下榻開樽意興濃

付淨今日得君提掇起

免教身在污泥中

第二齣

囑訓 真文

南呂引子戀芳春前小生巾服上錫命承恩遺經砥志龍  
門客又重新竟日閉孫戶無心窺董園豈以五陵賈  
少疎萬卷緣小生莫吳字葛天弱冠補博士弟子員  
居非顏巷雖不至鑿壁囊螢志切董帷恒自矢懸梁

刺股正是驥足輕千里雞肋滿五車館中延師方毅  
菴乃江右夙望今日爹爹因赴京遠行設酌書齋敘  
別已着書童文鹿往候想應酬稍完必就來也丑上  
夜月燈花落曉風書葉翻老爺到了生同付淨巾服  
末隨上

戀芳春中生萬卷詩書連屋花影繽紛付淨夢入瑤  
臺閨苑恐醒處又添愁悶小生與付淨揖介見生介  
生文鹿快請方相公出來丑方相公有請外蒼三髯  
上

戀芳春後須務本自古文章先期德行真純生拱付

淨與外揖介外

此位是誰生是姑蘇湯北溪付淨讓

外揖介外生揖

介生學生遠行近則經年遲則連載

聊借一杯酒以話千里心外越國欣逢燕山闊別愧

乏陽關之曲何勞北海之樽生豈敢將酒過來各坐

介生唱衆合介

南呂賀新郎兩字功名歷雲山萬千勞頓黯消魂驪

歌唱緊聊憑着此日燈前酒一樽語匆匆連宵難盡

波浪闊關山峻仗荒村野店添詩韵相見也定青髭

先生洪量何須用此小杯對末介取古玉杯來末  
曉得下卽持杯上金觥浮曲水玉斚泛回波玉杯在  
此外呀好一執玉杯色如白雪製若鬼工世間何以  
有此尤物付淨接看介這杯實是無賽生此本和氏  
璧也祖龍使玉工製之命以殉葬後因唐玄宗講武  
驪山郭振獲此以獻傳至宋末俱爲國庫之寶後因  
元亂此杯遂流于江南九代祖得之永傳奕世對付  
淨介此杯名爲盤龍和玉杯俗呼爲一捧雪是也付  
淨晚生嘗聞一捧雪乃是至寶不想今日得見難得

難得生物雖盈杞價值連城學生時嘗攜帶以作珍

玩斟酒送外傳飲介外唱衆合介

宜春樂

金宜春

凝瓊雪點絳雲更雕鏤天工絕倫連城

至寶秦庭不屈相如蘭侶瑚璉宗廟齊珍竝鐘鼎邦

家同鎮

大勝樂

珷玞怎混看白虹光彩夜閃龍文外酒

已太多要求止了請收好了玉杯末藏杯介各立起

介生

今夕談心明朝分袂三千迢遞二載睽違小兒

樗櫟之材全仗朝夕提攜指教望先生師道而臨以

父道使吾兄弟職而兼以子職庶遠懷不至懸懸也



外叨開絳帳甫慚素食分所宜爲何勞分付生請上

學生有一拜生外對拜介小生後拜介

瑣牕繡瑣牕寒拜殷勤誼重君親望先知覺後昆庶愚

公有子蕭儆稱孫外三墳五典芸香雪韻應共惜光

陰分寸合繡本郎跼拭目名門賢胤跼拭目名門賢胤

外起程擇吉定在何時生在明日准長行了外有人

同往否生攜一小婢聊以簡點邸中薪水幸舍之賓

惟此間北溪兄了付淨豈敢外攜生手前立介弟觀

此人言詞諂諛行藏奸詭定是匪類切宜遠之生謹

領尊諭

尾聲外贈遠行芻蕘進生感君金玉語諄諄合說不盡夢裏鄉關萬里身

外蘭陵美酒鬱金香

生玉碗盛來琥珀光

付淨但使主人能醉客

合不知何處是他鄉

第三齣

燕遊先天

仙呂引子望遠行前旦上琴書簡點倍覺離懷繾綣老旦鼎石家聲行看功名早建旦老爺今日起程百事俱已完備但與雪姐同行途中客邸之事我尚未一

一捧雪 上九

一叮嚀如今老爺去別親友尚未曾歸不免喚他面  
囑一番老旦夫人言之有理向內介雪娘有請小旦  
上拋離翠繞珠圍跋跣荒郊野甸凝盼處依依庭院  
見介旁坐介旦你粧奩衣飾已都準備了麼小旦收  
拾完了旦你自幼倚我長大但識家庭規矩未知途  
路辛勤早起晚眠須要小心在意小旦多謝夫人旦  
老爺生長豪華不諳世路曲折在家有我週旋出外  
你須規諫怒時失體醉後疎言你須一一勸勉小旦  
賤妾蒙夫人朝夕撫養提攜何敢輕離膝下今蒙老

爺嚴命攜行一慮老爺伏侍不周二念夫人定省有  
缺重沐鼎言敢不領命旦聽我道來

仙呂過曲桂枝香衛姑芳鑑栢舟閨獻饒伊咏絮才高爭

似齊眉德擅念周旋行遠念周旋行遠毋驕毋倦惟

勤惟勸小旦領珍言佩服如弦葦牽縈倍萬千生上

薄媚賺千里風煙囑別親知情意倦老旦老爺回來

了各見介生愁懷卷休將兒女情畱戀小生上過庭

前拜別牽衣惟淚漣見介詩禮難聞日夕傳末上承

驅遣仙舟已駕行囊齊辦生船上俱已完備了末俱

一捧雪

完備了湯先生已先在二號船內伺候吉時已屆就  
請登舟那些送行的都在那裏專候老爺早馳風憲  
早馳風憲生吾兒過來小生跪介我從來不問生產  
家中事體自有你母親支持這也不煩我掛念但你  
在家切須孝順母親誦讀書史務期早拾青紫慰我  
遠懷小生起介旦相公此行內有雪姬調護外有莫  
誠支值妾亦放心但同行湯裱糊既非夙昔交遊聞  
他專行諂諛宵小之輩凡事切宜斟酌言別在即路  
上風霜切宜珍重生多謝夫人旦妾有卮酒以壯行

色且送生酒介老旦送小旦酒介且唱衆合介

長拍渺渺錢塘渺渺錢塘迢迢帝輦回晉雲山一片  
光分黎火苦嘗熊膽惜三餘朝夕乾乾裘馬莫流連  
跂天香飄處鹿鳴高選射策長安欣浪煖談離緒五  
雲邊牽袂語真情眷望早繩祖武莫負遺編

短拍杯酒淹留杯酒淹留離情輾轉話纏綿難盡樽  
前頃刻各雲天知甚日早歸庭院好把鱗鴻頻寄莫  
待要翹首望將穿生就此去了夫人在家切宜保重

一捧雪

上十一

尾聲

生離淚灑愁腸串旦恨萬里繫心無線合須有

日會合團圓笑語喧生小旦末下

旦第五橋東流恨水

生小皇陂岸北結愁亭

合相思相見知何日

此時此際難爲情

第四齣

征遇

蕭豪

大石調

碧玉令外冠帶雜隨上關南塞北聲名早寄

引子

長城紫泥天表玉帳貔貅指顧陣雲高展豹略看幕

南王庭齊掃猛氣清金虎雄威壯鉄冠何時酬主眷

理釣嘯歸磻下官威繼允字元敬定遠人也以先世

戰功得膺世爵予自約髮從戎勦倭寇于海上滅島  
夷于台州橫嶼之會獻俘石州之虜授晉百戰百勝  
累遷總理篆聖上念薊州乃京師之肩膂命光節鉞  
坐鎮咳想我一武人今得熊軾一方麟符千里河山  
鉄券寶玉璫弓鎖鑰北門今總府保釐東土古諸侯  
上賴天子洪恩實出莫相國提攜之德今相國云亡  
即君無懷公久樂丘園雖嘗致書通候從未得少展  
國士之報胸中時爲快快自薊州命下羽書促往今  
日擇吉起程但形家皆言須要從海岱門迂道而行



一掛雪

分付衆將校擺齊隊伍打從海岱門出京一路前往  
蘇州便了雜得令行介

大石調  
過曲

賽觀音甲兵雄旌旗耀聽號令山川振搖看

橫槊賦詩長嘯細柳威名不數漢嫵姚下生付淨執

鞭小旦乘車雜車夫末隨上合唱介

前腔借宗遙燕山到望紫氣煙浮帝郊想萬國衣冠

齊禱生前面已是京兆了我同湯先生尋覓寓所你

同雪娘慢慢而行末曉得合回首吳山仁見雁行

各下外雜復上合唱介

人月圓司閫外卽漸龍城杳白羽風生驚鳥鳥生付  
淨上行行遠岫啣殘焰驀忽地油幢來樹杪外作看  
生介外前面來的可是越中莫爺生敢是總府戚爺  
麼各下馬相見介合呀萍踪巧恰相逢數年夢寐蘭  
交生仁兄持鉞今欲何往外小弟移鎮薊州故有此  
行兩世蒙恩三秋闊敘倘兄今日後我而至又失此  
晤期矣生天遣相逢可謂奇遇外此位何人生偕行  
湯北溪乃雅士也付淨恭介不敢外仁兄到京後有  
暇可到敝鎮一遊生旣忝刎頸之交當覓連床之話

承兄相約敢不奉命

前腔 外生合剛邂逅早在陽關道一語匆匆渾難

征車滾滾催行鬧嘆從此天涯雲樹渺風塵老又何

年挑燈話舊連宵 雜三軍啓行難以久駐稟爺就此

起馬 外再欲與兄暫話片時奈軍行甚速只索奉別

了生到京後一有空閒便當遣貴鎮領教

尾聲 外掃彤闈供談笑 生飛觴說劍氣雄豪 合共把

那武緯文經濟聖朝

雲迎塞馬嘶聲急

風送胡笳離緒侵

但願應時還得見

須知勝似岳陽金谷下

第五齣

豪宴

齊微

仙呂引子

天下樂

淨冠帶雜隨上

奕世襲龍亘古稀炎炎

權勢覺天低朝廷已作家庭事笑殺淮陰封假齊上

公周太保副相漢司空應知能作述豈曰濫恩榮自  
家嚴世蕃別號東樓父居相國身爲侍郎富堪敵國  
力可回天文武官僚盡供驅使生殺予奪俱屬操持  
休說他人稱功誦德只俺父親自題家慶圖道有我  
福無我壽有我壽無我夫婦同白首有我夫婦同白

首無我兒孫七八九有我兒孫七八九無我箇箇天  
街走笑介你道爲父之樂如此爲子者可知矣可恨  
這些不識時務的動徹交章劾奏鄒夏桂州蠅螻老  
子楊繼盛浮躁書生其他會銑沈鍊等都已誅戮盡  
了料無人再敢妄言矣爾來朝政肅清俺忙時不過  
稟幾道奏章閒時受用些歌姬舞女賞玩些書畫鼎  
彝正是身近玉輝新袞繡手調金鼎舊鹽梅有一越  
中莫無懷與我兩世通家近因補官到京已來叅謁  
今日與他設酌洗塵怎麼這時候還不到來生末隨

上姓名天下金甌寵節操風前玉樹清  
末奉勞通報一聲雜莫爺到了淨出迎見介生  
等蒙華命敢溷兵廚淨深藉輝光用開陳榻小坐在萬花樓就此同行攜生手行介生呀好一所大樓畫棟凌雲朱欄映斗展開風月添詩料粧點江山歸畫圖果殊好奇觀也淨樓無足稱不過藏幾種古玩以供朝夕把玩而已生能賜一觀否淨指介前後廂樓號分風花雪月這一樓是商周彝鼎這一樓是漢宋杯環這幾間是汝定官哥這幾間是唐宋書畫令先君掌國許久府中

古玩畢竟也多生先嚴不是箇賞鑒家故此送禮中  
古玩字畫都不曾收也不得錢來買淨笑介那有箇  
宰相家沒錢收古董的麼小弟倒用幾箇閒錢搜得  
些奇物只是一件各處送來字畫怕我疑心不是故  
物不敢裝繡其餘貧家收來的一發破碎了便有幾  
軸現成裱過的或是闊狹失宜體製欠雅意欲另裱  
一番只是偌大京師尋不出一箇裱褙好手生晚弟  
寓所却有一人到是古董行家賞鑒頗精又會裱褙  
晚弟窮官也畱他不得恩兄若用就喚到賢府承值

何如淨嘍他是那裏人姓甚名誰爲何在貴寓生他  
姓湯名勤蘇州人氏因貧落無依晚弟挈帶在此淨  
着人去請來一會生對末介你去對湯先生說嚴爺  
要你裱畫卽刻同來附耳介須換了衣帽來見末曉  
得爲奉恩東命同邀館客來下淨叫掌古玩在各  
樓內隨意取幾件來看雜領旨捧瓶罈畫卷上淨這  
是龍文寶鼎美女花觥生看介妙妙真乃商周重器  
宗廟奇珍也

仙呂過曲皂羅袍郊廓鎔金遺世看雲雷隱隱翡翠輝輝



淨這是紅玉九螭環脂玉雙熊鎮生玲瓏碾就雪霜  
欺淋漓染却臙脂膩淨這是右軍蘭亭序摩詰輞川  
圖生種種妙絕真目未所親試看銀鈎鐵畫魚龍吐  
奇和那丹山碧水煙雲望迷淨什麼好東西如此過  
獎一經題品須增寶末同付淨衣帽上赫赫公台位  
潭潭相府居末稟爺湯先生到了付淨作跪門膝行  
叩頭介門下犬馬湯勤叩見淨何須如此行禮請起  
付淨腹淨對生介在兄處什麼服色生平日原是衣  
巾今見台兄故此易服淨既如此換了衣巾末與付

淨換介淨人物到也伶俐生既蒙清盼可畱以待朝

夕淨邀遊二帝罷雜宴完了淨起樂定生席介又將

杯匝欲定付淨席恭介付淨湯勤侍立不當焉敢賜

席與坐淨不必過謙了令雜安付淨杯匝介付淨告

坐介各坐飲酒介淨草酌無足爲歡有新教的女優

搬演雜據聊可侑觴生既食候鯖又觀霓舞何以克

當小旦扮末上點戲介生還是台兄主意使得盡其

所長淨有新演的中山狼幾折恐未精熟見笑大方

生既是新劇一發妙了淨就是中山狼罷小旦應下

一捧雪 上十七

淨生付淨隨意飲酒講話介小旦卽上作開場介翠  
幙華筵列絳樓清歌妙舞勝丹丘盡說消愁愁不了  
醉時休○世路嶮巇恩作怨人情反覆德成仇好把  
中山狼着眼醒時休那來的非別東郭先生是也下  
旦扮生挑琴劍書囊上

北仙呂點絳脣奔走天涯脚根倚徙萍無蒂回首雲  
泥覩人世都兒戲俺墨者東郭先生便是要往中山  
進取功名收拾書囊前去早又是暮秋時候也

混江龍斜陽天際潺湲流水過殘堤幾陣陣風吹葉

落幾點點驚鷺趁霞飛恰早是一片雲光迷上下猛可裏四圍山色失東西蕭疎短髮淹蹇鶉衣囊餘錦字甕有黃蘗泥塗曳尾空谷羈棲望介是何處旌旗劒戟電般馳忽聽得驕驄畫角雲中沸內喊介狼來了狼來了丑扮狼帶箭奔上旦作驚介呀忽遇着豺狼當道閃得俺麟鳳與悲丑先生休怕俺被趙卿打圍射着帶箭而逃先生可憐救俺一命咱旦恁好差也俺要進取功名急忙趕路怎管恁間事況趙卿盤問起來好不嚇殺人也

油葫蘆俺是箇四海空囊泣路岐怎當得將軍八面

威丑先生昔日隋侯救蛇啣珠爲報願早救俺殘喘

俺須重報先生咱旦不指望酬恩報德着貪癡丑人

馬看看趕至俺霎時性命都休先生却不道墨者兼

愛爲本惻隱之心人皆有之先生須細想着旦罷罷

罷俺把那萬言書收拾囊無底破青氍救恁多狼狽

丑好也只俺身子多大先生囊小只索蹣了四足好

把繩子緊緊的縛住掩了胡頭兒將俺裝在囊裏旦

縛丑裝入囊介恁好把背似鰈腰如蜎藏着尾縮着

蹄丑多謝先生了倘若趙卿到來是必用心打發他  
旦狠呵救的恁休歡喜救不的恁休煩惱者只怕一  
鰕生支不得軍和騎頃刻裏凶吉怎能期小旦扮趙  
簡子領衆上草枯鷹眼疾風勁角弓鳴俺趙卿是也  
射獵中山見一狠人立而啼放箭射着走的來影也  
沒尋處見旦介兀的漢子可曾見狠去來旦俺不曉  
得小旦那狠中箭趕到此處明明是恁藏着恁看俺  
劒者旦唱

天下樂那里見出狎猱猱猛似羆停也波威莫浪疑

小旦 恁須曉得狼乃至惡之獸何用救他旦也儘知  
他性貪狼恨不得屠腸胃小旦恁休巧語花言快說  
藏在何處旦俺只一身那里藏得小旦呀莫非藏向  
書囊內麼虞人們開着旦狼大囊小怎生容得俺囊  
呵止把那殘編斷簡收怎與那狐羣虎黨棲休得守  
株求枉自遲征轡小旦既沒有狼俺須去也卽鹿聊  
爲樂田禽豈自荒下旦且喜趙卿去了老狼老狼恁  
如今活也丑囊內喊介趙卿已去俺在囊中縛得好  
苦也臂上流矢煞是痛哩先生快開囊放俺者旦開

囊解縛拔箭介丑出囊介慚愧也險些性命被剋卿  
送了謝得先生救俺則俺有一句不識高低的話兒  
敢說麼旦有甚說話來丑俺被箭趕來在囊中受苦  
一會肚兒裏餓得荒先生可憐見權把你來充饑罷  
撲介旦縣介

寄生草眼腦真饒劣心腸忒魅魑逞狠心便忘却顛  
和躑恣狠貪不記着恩和義肆狠吞怎容得天和地  
丑隨你會講俺不喫恁決不干休旦只俺半生來冷  
眼避閒非誰想一會兒熱念淘閒氣丑撲介旦且住



若要好問三老那邊一箇老人來了俺同你問他該  
喫俺不該喫俺老旦扮老人上蕭蕭古樹枯藤掛慘  
慘寒雲遠岫凝俺杖藜老子是也你們爲何喧嚷且  
丈人這狼被趙卿射中趕來向俺求救俺把書囊救  
他一命纔出囊反要喫俺你道該喫不該喫丑丈人  
不要聽他他見俺被箭射傷把俺縛在囊中受的多  
少苦又對趙卿罵俺許多假意救俺要自己謀害俺  
哩你道該喫不該喫老旦你兩箇說來都無憑信如  
今依舊縛在囊中把那受苦的模样使俺親見一番

若果受苦先生你也說不得只索與老狼喫下者丑  
說得有理俺餓得緊了快縛起來丈人看了苦處俺  
便要喫你了旦縛介置囊中介老旦你可有佩劍麼  
旦俺帶得有佩劍在此老旦如今還不殺他旦着着  
老旦踏着旦提劍介旦

煞尾牢籠奇計高出鞘青鋒燂一任恁噬臍瞞昧從  
此要施爪排牙今已矣須念着瀕歿的危機怎忘却  
受恩的深處方信道眼前報應難迴避縱人心可欺  
怕天公作對殺狼介呀把這負心的中山狼做旁州

例下淨殺得快活生好戲好戲各立起介生要告別

了淨再坐坐便好生不敢淨湯先兒就住我府中罷

付淨是淨對雜介明日先付五百銀子與湯先兒置

買吳綾蜀錦玉軸牙籤再付三百兩在近府前後買

一所房子與他居住雜曉得付淨謝爺復向生足恭

介

淨紅粉歌聲翻白雪生雕檠燭影醉青年

須信人生能有幾淨付應知世有地行仙各下

第六齣 婪賄 江陽

黃鐘過曲

出隊滴溜子

小生扮太監小旦捧本前行上出

子隊

絲綸天降絲綸天降一領緋袍惹御香爲賁章奏

出宮牆

滴溜子

小旦德音攸關罰賞槐廳代紫泥隆恩

無兩

小生前面就是嚴府了快走

合早過沙堤恭瞻

貼黃

小旦有人麼外上望隆黃閣干官表謀贊楓宸

第一家見介

小生奉皇爺聖旨特捧章奏要太師爺

批發外

請坐待我傳進小生坐介外入卽出介奉老

爺鈞旨道有倭寇緊急軍情籌畫無暇票本着我同

公公到大爺處稟了覆旨

小生既如此就行同行介

一捧雪 一三二

白麻詔自天邊下紫府人從天際來作到介外公公

請坐待我去稟入介小生坐介淨上雜隨上

黃鐘引子

玉女步瑞雲

傳言玉女

世握乾綱咳唾百條驚仰瑞

雲濃

問誰敢批鱗強項外稟介請進相見雜請小生入

介同揖介小生奉爺旨意送本到太師處稟擬因太

師有軍機忙叢特送到司空處望卽稟發皇爺專等

回奏淨叫當值的整治桌檯請內公到西廳暫坐就

請湯北溪相陪待我稟完相邀便了雜曉得小生小

旦燮理陰陽資盛德彌綸天地有奇功同雜下淨取

本過來外送本看介淨吏部一本爲廣撫乏人事兩  
廣衝要華夷雜處右僉都御史何邦鎮才略兼優應  
堪此任嘆好一箇美缺怎麼不來講一講外已到太  
師爺處了淨送過多少外八千兩淨好箇兩廣軍門  
值不得一萬銀子又短二千罷了讓他些批介

黃鐘過曲

黃龍醉太平

降黃龍頭

油幢兩省衝繁異貝奇珍管

盡歸羅網奉聖旨是外又送本介淨看介河南道御  
史一本爲媚道逢君事虛無清淨豈聖主之所宜贊  
雕修玄實輔臣之巧媚中間嘮嘮叨叨多是罵俺父

子的話

**怒**

嘆可恨可恨你不見楊繼盛麼

**寫介**

鴟鵂與捏妖言誣謗君王着錦衣衛柵械拿問好

生打着回話

**外**又送本介

**淨**看介

**戶**部一本爲急缺

邊餉事左支右吾難充枵卒之腹呼庚呼癸仰需內

府之藏

**笑介**

這司農好沒分曉聖上焉肯發出帑金

麼

**寫介**

**醉**

休想縱然搜括盡脂膏怎肯把大盈支

放速速另行設處無誤軍需該部知道

**外**又送本介

淨又看介

**兵**科一本爲兵機失陷事總兵戴綸逢虜

倒戈坐失轄境候旨提處嘆總兵官失陷地方該依

律處斬了不會到爺處來會麼外不會雜戴總兵方纔差人來送禮單求爺寬處淨要救一條性命不是些小送甚麼的雜出單介淨念介赤金元寶十箇五百兩金子也值得三千五百兩銀子又念介走盤珠一千顆五兩一顆值得五千兩銀子五色寶一百對二百粒寶值多少銀子雜多是鴉青桃花蠟祖母綠貓兒眼算來也值萬把銀子淨這些寶石比趙文華溺器上的又好麼雜好他十倍淨又念介漢玉杯一隻啖玉杯值得多少雜一隻雪白古玉杯他說無價



之寶淨既如此饒他斬首便了雜他送幾萬銀子的  
禮說要求爺保全他前程哩淨忒便宜了他寫介過  
城宿將早立功帶罪坐鎮封疆戴綸本該重處因念  
久飭邊防姑與原官立功候調擲筆介本已票完請  
內官過來雜應下即同小生付淨小旦上小生叨蒙  
華宴飽德醉心淨失陪得罪了小生不敢淨票擬停  
當煩老先傳達天聽小生政引風霜成物色恩回天  
地到陽和小生小旦外同下淨湯先兒方絕內官講  
此什麼子付淨稱頌太師爺功德巍巍司空爺雄才

大略千古莫及淨喜介說來的也不差付淨是淨對  
雜介那總兵官送的禮取過來看雜下即捧盒上淨  
看介金元寶赤得好走盤珠白得好許多寶石紅紅  
綠綠得好這幾件東西雖值幾萬銀子論來我家儘  
多了那希罕他開匣看杯介這杯兒倒妙得緊玉質  
又白血青又紅做法又玲瓏又古朴果是無價之寶  
了我家所藏古玉杯不下千隻算來多比他不過湯  
先兒你可曾見這樣好東西麼付淨晚生曾見過一  
杯來比他還勝百倍淨不信世間有此異物玉質呢

一捧雪

付淨比他更白淨血青呢付淨滿身上一點點如桃花片一般淨做法呢付淨這是子母螭乃是教子升天杯那一隻盤着九龍喚蟠龍和玉杯俗呼爲一捧雪淨我也聞得一捧雪乃是杯中至寶只道不在人間了誰知你會見來付淨此杯呵

黃龍袞遍連城鎮趙邦連城鎮趙邦製狗驪山葬天寶出人間唐朝宋室都珍賞素質流脂輕綃凝絳盡轟傳一捧雪名非獎淨果然有此希世之寶在什麼人家就託地方官取來付淨這杯也只在務近但是

地方官也要他不來淨實在誰家付淨就在莫岡鄉  
家淨他說父親不在行並沒有玩器怎倒有這等好  
杯付淨晚生親見怎敢掉謊淨怎麼得他的便好付  
淨憑着湯勤三寸舌這杯定教歸于恩主淨妙妙  
前腔奇珍世無雙奇珍世無雙聽說心神爽百萬怎  
相酬只索儀秦一席憑伊講你若明日去呵至寶璫  
璫笑談歸掌那時節做高官選美職非虛罔付淨多  
謝恩主湯勤一去穩穩取來

尾聲明朝管取杯擎上淨準備一頂好烏紗將伊犒

一捧雪

上二十六

賞合須信道神物天畱全福享

淨官乃身之寶

付淨杯爲席上珍

合滿朝乾子貴

怎比獻杯人

第七齣

勢索

庚青

雙調引子搗練子生上縈薄祿絆浮名鏡裏俄驚客鬢星

小旦上夢繞家鄉慵早起怕聽林際子規聲見介生

我和你離家日久客邸蕭然終朝拜謁應酬急切未能陞轉咳嗽想我輩世蔭功名滋味有限鍊日送人賠禮公分賠錢曲背逢迎強顏歡笑算不如在家自在

逍遙我反悔此一來矣小旦跋跣遠來耐心圖一美

職那時拂袖歸家未爲遲也

仙呂入雙五枝供五供生京塵蔽影無限周旋有盡

前程松筠三徑在軒冕一毛輕玉交小旦羊腸仕途

須細行龍門家世宜重整五供合略把甜頭占早歸

畊怎教遺誚北山靈付淨上飛花已逐東風去不戀

殘枝是故家此間已是不免徑入小旦見介湯先生

來了你且迴避作下介生見付淨介生這幾時在嚴

府中好麼付淨只爲裝繡許多書畫再不得了故此

不能時常謁見只好做箇身在吳庭心在越了生東樓在家何幹付淨鎮日爲這些朝廷的事體官府的陞降票寫本章點收禮物再不得閑哩真箇炎炎勢焰赫赫威權逆他的輕則遣戍謫官重則擬辟奉他的不要說一歲三遷便一日九遷也諛得他哩生這是委實如此付淨只是生性可笑不知爲甚酷好這些無益之物生喜古董也是有興的事付淨就是主人所有這隻玉杯是絕代之寶人人知道近來不知誰人說與他得知生得知便怎麼付淨好笑把這樣

饑來當不得飯寒來當不得衣東西苦苦着我來請  
一箇價生作遲疑介付淨我想尋常古董他甚肯出  
錢這杯管教多要他幾倍銀子

玉肚交

玉抱肚

操持魁柄積珍瑤充梁滿庭何須盈把

杯卮偏教索價叮嚀

玉交枝

黃金等閒如羽輕無瑕管

取連城贈豈徒然荆山淚零肯無端秦庭橫行生我

這功名富貴多虧太師提携司空攬掇怎敢論價只

要司空陞我做箇河道糧儲都御史我便向家中取

來相送付淨這箇官兒的事體甚小都在我身上包



得陞轉只是這杯如何不在這裏生這是我傳家之

寶如何不畱家中既是司空定要我遣人到家呵

海棠醉東風

月上海棠

曉夜行食風宿水忙奔競敢迷邦

懷寶返趙寒盟仗威權不惜公卿沾華袞曷勝榮幸

付淨

這箇自然

沉醉東風

速宜駕駢莫教望榮生須知匠

月相逢笑眼迎

付淨

晚生就此告辭了

生

略坐一坐

去付淨

恐怕嚴爺呼喚不得久停只是早些遣人取

杯便好

生

不出一月杯定送來所言乞轉致意

付淨

曉得眼望捷旌旗耳聽好消息

下生

可笑可笑莫誠

那里末上一聞呼喚隨卽趨迎老爺有何分付生嚴爺要我玉杯着湯北溪來問價末嚴爺那里曉得我家的玉杯生這杯乃絕世之寶那箇不曉得末或者就是湯官人說的生這也未必末老爺可曾許他生我只說在家連夜着人去取一月送來如今你可將幾百兩銀子到會同館去揀一塊白玉喚一箇高手速速焰樣做成一杯俟月餘送去便了

撥掉入江水

川撥棹

生休延等早携金覓白珩倩良工

焰式那騰倩良工焰式那騰管教他珠璣潤形末小

的就去製買玉料訪覓匠人只是老爺呵

江兒

秘密

機關好把言詞三省下生嚴東樓嚴東樓難道我九  
世傳家的一捧雪肯就與你的那湯北溪也不曉得  
我這恩官怎做得到都御史就胡亂應承去了我如  
今焰樣做一假杯那東樓原不會見過就是湯北溪  
也只看得一次那里識得真隔着月餘送去憑他與  
我一官罷了

尾聲璫璵堪掌銓衡命須信巧宦無錢總不靈教  
把誰假誰真和誰話葛藤下

第八齣

僞獻尤候

正宮  
過曲

朱奴插芙蓉

朱奴兒

末捧杯上蒙驅遣難容逗留

戰篤速捧持瓊玖自家莫誠因嚴大爺要素主人玉

杯四顧介俺主人愛惜世寶着我焰樣做成一隻就

差我送到嚴府我想萬一看山真假這事怎了蒙主

人之命只索硬着膽前去走介恰似闖入鴻門呈玉

斗忙前進幾番遺後走來看看看到嚴府前了言和語

敢無端浪擲作到介有人麼雜上父子雙稱相家人

七品官見介你是那里來的末是太僕莫爺差來的

雜有什麼書柬傳進麼末要請湯官人說話雜湯官人同爺賞玩古董怎得空閒出來末出銀送介煩說一聲俺爺差人自然出來雜收介你們薦來的或者出來亦未可知下末玉芙蓉悄機關誰能叅透暗藏闔雜同付淨上朝迎車似水暮接馬如雲見介付淨玉杯到了麼末到了付淨來到這樣快末俺爺恐嚴爺性急星夜着人取來的付淨爺正在這里想來得湊巧末遞杯介煩湯官人傳進付淨接杯介末請湯官人仔細簡點十箇點也脫了我送來的干係付淨莫

大叔這等小心周到開匣看杯介這杯委實無賽對  
雜介前日戴總兵送的玉杯怎能及他我的眼力不  
差雜果然好

朱奴剔銀燈

朱奴兒

付淨

羨神物與金怎求對雜介莫

老爺呵拚割愛願呈心友對末介嚴爺一見此杯呵

管取歡容開笑口也見我老湯是識貨的人豈浪語

無端虛謬末

俺爺煩湯官人多多拜上嚴老爺說玉

杯一到卽刻送上不及備禮異日還要補送付淨只

這一杯已是天大人情了還要送禮我自然與你老

一棒雪

爺致意

剔銀燈

山丘這隆情怎酬管朝夕膚功立奏持

杯同雜下末呀他已取杯去了我想老湯不辨真假  
極口贊揚嚴爺那里識得透自然胡亂遮掩過了只  
願天從人願就是我主人之福了

朱奴帶錦纏

朱奴兒

心頭鹿忪忪亂投簷前鵲喳喳不

休此時呵分開玉石喜和憂望介頃刻里不教眉縐  
付淨同雜上付淨莫大叔那里爺見了玉杯十分歡  
喜我說你爺敬重嚴爺故此把世寶送上嚴爺說收  
日還要面謝付末耳今你爺所云決當如命雜白金

十兩權爲一飯之需末謝收介湯官人我就此回覆  
家爺了付淨正是匣底璫璣重似城朝中名器輕如  
土同雜下末好了好了事體已完不免作速歸家行  
介錦纏消却潑天愁仗神靈默宥奇珍歸故侯好把  
佳音覆莫教凝盼望悠悠

誑楚全憑紀信

返趙賴有相如

不是一番巧計

怎能全保無虞

第九齣

醉洩

蕭豪

仙呂人雙

六么令二雜扮走報人上京師走報降調

調過曲

上三十二



遷陞抄寫飛跑一張紅紙貼門高爭犒賞再伸腰這  
里已是莫爺寓所有人麼末上門庭何事多喧鬧雜  
特來報喜多喧鬧報貴府老爺高陞的末老爺有請  
生上蝸角虛名小鴻毛俗慮輕雜出單見介老爺高  
陞太嘗寺正卿小的們特來報喜求爺賞賜生對末  
介賞他十兩銀子雜少求爺再賞些生再賞十兩雜  
謝爺十行頒帝命五色麗天文下生笑介玉杯有靈  
玉杯有靈下付淨紗帽吉服丑扮長班持紅帖隨上  
付淨我本無心求富貴一朝平步上青天門上有

人麼湯爺拜訪末那箇湯爺見付淨笑介元來就是  
湯先生恭喜恭喜接帖稟生介湯先生做了官到門  
拜爺生念帖介新選左軍都督府經歷湯勤頓首拜  
有興有興快請相見付淨進足恭介叨蒙鸚薦得附  
龍鱗生欣賀鳴珂復承輝華各坐付淨謙恭介生笑  
介一發官體俱熟得緊妙妙付淨不敢生幾時榮授  
的付淨昨日命下的晚生蒙台臺汲引造就得有此  
寸進木本水源銘刻五内生此皆司空提掇之力于  
我何功之有付淨今早見吏部抄報台臺榮轉太常

晚輩不勝雀躍生此皆出司空所賜明日還要躬謝  
付淨嚴恩臺托晚生拜上說繇奉嘗便當轉陞河道  
節制七省那時管教台臺萬倍獲利生前偶戲言何  
敢過望付淨都在晚生身上告別了生再請少坐分  
付擺酒末應下付淨還有各衙門未曾投帖生榮選  
方新正多貴冗又蒙先生先來看弟足感至愛明日  
還要潔誠奉賀如今有一杯水酒本不當屈坐若以  
桑梓爲念畱敘一敘何如付淨領命喚丑易服介生  
定席對坐飲酒介

黃鍾  
過曲 畫眉序 生 把臂酌醇醪旅思鄉情一醉消喜同

遊京國共躡雲霄舊貂裘復沐恩榮新珠履美登清  
要付淨 幸叨曲逆新封美無知恩德偏遙生 取色盆  
大杯過來快飲一番末持盆杯介生 對擲取快罷湯  
先生請先擲付淨 豈敢僭先生讓付淨擲色介

商調  
過曲 黃鶯兒 付淨 十點間紅么快快快一箇五隻送

酒與生介 付淨 一禪燈焰寂寥生 擲過付淨又擲介  
又是五隻杏園猶見梅花少生 又飲又擲不出介 付  
淨 又是快六龍駕着生 又飲擲不出介 付淨 妙妙六

驚擁着生飲介我連飲數杯怎麼再擲不出一箇快  
兒付淨如今是渾成了蜻蜓無數爭飛繞生又飲酒  
又擲過介付淨不同不同快偏饒六人兄弟六色衣  
輕綃生飲酒介如今不擲了送湯爺一大杯付淨晚  
生也吃不得了生作醉態介你道我家杯小沒有東  
樓這些大杯偏要請一杯付淨嚴恩主雖有許多杯  
怎及台臺這箇玉杯生他見前日送去的杯却怎麼  
說付淨他十分稱贊說果是至寶生醉笑介你道這  
杯委實送去了麼我這杯呵

簇御林傳家器絕世瑤等圭璋什襲韜一箇太嘗空  
銜怎博得我九世重寶末在後作急態介生微官怎  
易連城寶付淨作驚介難道這杯還在前日送去卮  
里來的生騰挪焰式偷天巧末老爺不要哄湯爺付  
淨前日的杯已是妙絕不信是另做的生我道你們  
眼力不濟目充搖千秋賞鑒若箇恁秋毫付淨晚生  
決不信前日送的不是原杯生你不信我就把原杯  
與你一看付淨若如此就明白了生莫誠取玉杯出  
來末玉杯送與嚴爺了卮里還有生你不曉得湯爺

是我心腹至友何必瞞他快取來看快取來看末遲  
疑生催取出杯介生將杯與付淨看介何如

琥珀猫兒墜生一般形質真偽已相淆付淨果然高  
手若不細看也辨不來須信撥月移雲手段高樽前  
一笑識心交請收好了杯末將杯入復出介付淨酖  
醕不覺的傳杯話舊又早是月上花梢告辭了生張  
燈送湯爺付淨不消

尾聲生榮銓尙欠微情表付淨怎忘却提攜功浩生  
多多與我上復東樓明日里呵尚要泥首階庭展鬱

園付淨同丑下生作醉態下末怎麼處前日老爺做  
這假杯送與嚴爺原是險事今日又醉後說與湯北  
溪曉時萬一他奉承嚴爺說出緣故如何是好老爺  
老爺却不道

世路幻如夢

人情薄似雲

莫信直中直

須防人不仁

第十齣

譖脣

東鐘

仙呂入雙雙勸酒付淨聞言氣忡火星飛迸私雕假  
調過曲充將人胡弄險把我前程斷送應須知先發收功可



笑那莫太嘗他受嚴爺許多寵愛一箇恩官擡在科道九卿之上前日嚴爺要他這一捧雪托我過風我想他在嚴爺分上一隻玉杯也是極小的事自然應當奉承假若不肯也就回絕了誰想當面應承後日送來却是假的我一時被他瞞過極口贊揚嚴爺信我言語陞他做太嘗正卿那知昨日又把真的來與我看噯呀想我在嚴府門下言聽計從說事體要得除頭買古董要得偏手真箇是做他的官賺他的鈔不要說下半世富貴全靠着他就是子子孫孫也都

受用在裏頭萬一嚴爺他日曉得此杯是假的竟道  
我老湯通同作弊那時却不把我一套富貴送入東  
洋大海內了自古道先下手爲強如今把這件事早  
行出首倘若嚴爺定要真杯我自有道理正是恨小  
非君子無毒不丈夫那邊喝道之聲想是嚴爺朝罷  
歸府了作拱立介淨雜隨上

前腔淨三公勢崇一家權重羣僚望風死生操縱恨  
只恨書生強橫那愁他生鐵難鎔付淨跪介門下走  
狗湯勤叩首請罪萬死萬死淨今日爲張翀吳時來

董傳策連名具奏太師爺大怒我就批到錦衣衛勸  
問故此大惱而歸却與你何干要你請罪付淨湯勤  
爲一時失悞却似欺誑恩主故此先行稟明求爺海  
涵淨怎麼說起來講付淨湯勤前日舉薦莫問卿這  
隻玉杯以後送來湯勤因問卿平昔相托信以爲實  
淨這杯委實是好你也十分稱贊如今也罷了付淨  
誰想昨日到莫家這真杯原在淨不信有此事付淨  
他前日假說在家中去取竟喚玉工在寓中焙樣做  
成一隻假的送來這真杯湯勤昨日見過若不稟明

恐爺後日得知只道湯勤合黨欺誑了淨我陞他一箇太嘗正卿他也不該把假杯來哄我付淨他倒說一箇太嘗空銜怎博得我九世重寶可惜恩主空把這美官與他了淨怒介可惱可惱這畜生天大的膽却來侮弄我老爺他敢有幾顆頭麼

中呂過曲剔銀燈聽伊訴雷霆怒轟按不住天關搖動他移雲換月將人弄欺負咱眼光沒縫呌長班分付錦衣衛官兒速差軍校拿他到來定要真杯雜應介淨難容教他來面供定然要雪歸一捧

一捧雪

上三十八

前腔付淨且住且住告恩主不須怒冲恩主若要真  
杯他畢竟抵死執賴就是湯勤也不好十分証他到  
底杯兒決不能得又乾結下箇冤家不如出其不意  
只做去拜他那時于中取事淨那時便怎麼付淨假  
探望多隨人從把持他門戶如鐵桶一霎時翻缸倒  
甕搜出真杯那假杯之罪無逃了行兇休得漏風手  
到處雪歸一捧淨有理有理既如此分付打轎多着  
人從隨我去到他那里前門後戶牢牢把守用心搜  
尋雜曉得淨對付淨介你到不要去了住在這裏候

我歸來便了付淨是淨殺人尤可恕情理最難當領  
雜下付淨好一場大事被我  
把舌尖兒輕輕幾句脫  
卸去了如今一搜搜將出來  
區區不惟無罪而且有  
功這督府的官兒又好趨陞  
了老莫老莫我那里顧  
得你灰活哩眞箇是身上有虱  
各人自掃手裏要錢各人自討  
朝裏做官各人自保  
非咱欺瞞舊同鄉只因奉承  
新閣老下

第十一齣

搜邸蕭豪

仙呂入雙調過曲

步步嬌

生上

入夢

青山堪舒傲  
嬾逐長安

一捧雪

道尊鱸與自豪末上喜際亭衢幸登清要生搖手介  
父爲九州伯兒作五湖長薄祿縱微叨倦遊應理歸  
莊棹末老爺昨日報陞了今日也該去拜一拜嚴爺  
纔是生不知心緒欠寧今日身子倦得緊末一往一  
回總之就歸家的還是去的是生旣如此取大衣服  
來末曉得下卽持冠帶上與生穿着介淨冠帶四雜  
隨上

雙調引子夜遊湖頭淨平白地將人候落冲天氣不禁跑  
躑躅雜嚷介嚴爺到生作忙出迎淨介末背云奇怪得

緊嚴爺平日再三請他不來今日爲甚到此看介面  
上都是怒容却是爲何頓足介呀我曉得了急向內  
奔下生不知台駕降臨有失迎候淨不消過遞了攜  
生手同人介揖坐介生重蒙恩兄提拔超陞使末弟  
銘心刻骨無以少酬高厚淨這是朝廷的陞遷于我  
何功之有生正欲造府叩謁適值恩兄允降先此鳴  
謝淨冷笑介一箇太嘗空衙何勞致謝生背介這話  
有些蹊蹊淨有一句話兒特來與足下面講生恩兄  
有何分付淨低向雜介前門後戶都看好了麼雜都



一捧雪

有人把守淨兄你那三品的官抵不得一箇酒杯忍  
于欺我麼生晚弟怎敢向曾道恩出司空粉身粹骨  
不足補報敢把性命相戲欺誑司空麼

仙呂入雙  
調過曲

風入松

淨休將簫口逞波濤直恁無端欺

眇雖然一物甚微你移真誑假多奸狡瞞天誑憑伊  
私造生恩兄是大法眼請看前日那杯豈是近日王  
工做的況且湯北溪向曾見過此時何獨無言千秋  
物時流怎描況前日呵蒙賞鑒豈能淆淨但憑說得  
天花亂墜真只是真假只是假了笑介不是小弟粗

直說尊寓料無十分箱籠同到裏面看一看也倒釋  
了疑況小弟與兄向屬通家就是尊眷相見也不妨  
生辱弟決不敢欺恩兄懃求海涵淨還是看的是攜  
生手同入雜跟進介淨這里想是中堂了衆人們尋  
着雜應尋介生作呆介

前腔淨針藏綿裏笑中刀末盡人情難料你們仔細  
着從頭簡點窮微奧休得似淘金貽誚雜環堵內畱  
心細抄針不見海空撈淨又行介這壁廂想是臥房  
了那邊遮遮掩掩的什麼人生是小妾向內介過求

一捧雪

上四十一

見了嚴爺小旦上

急三鎗真箇是羊腸路難迴避怎說得藏金屋翠雲  
翹嚴爺萬福淨略答禮介小旦背立介淨小厮們把  
箱籠都擡出來雜擡箱介

前腔爭擡着囊和橐箱和籠須索要尋踪影析秋毫  
淨你們將房中床上床下後邊廚房井厠都尋一尋  
雜曉得分尋介淨雜

風入松饒伊地厚與天高管取窮搜都到早難道神  
差鬼使安排巧莫不是金風動鳴蟬先覺淨人家藏

東西所在也不過這幾處了衆人再尋雜應介來和  
往翻閱數遭絕不見這珍瑤淨這也奇向外走出介  
生恩兄可信辱弟竝無欺詐

急三鎗須知道陳肝膽無虛詐怎疑做指鹿馬誑心  
交

前腔淨多應是三人語能成虎小厮們去罷雜應介  
淨反教我几投杆誤兒曹領雜下生打恭送介小旦  
出見介老爺起來嚴爺去了生說死我也說死我也  
一事弄虛險遭毒手只是連我也不知這杯爲何尋

不着小旦明明在房中的怎麼一時不見了想是神靈遮了他們的眼麼生作呆坐介末上徐入窺瞰介老爺好了禍事脫了生莫誠你方纔也該住在這裏幫我與他辨辨纔好怎麼你倒避了末老爺若是莫誠住在這裏這場禍怎生解得生却是爲何末小的方纔見嚴爺入門之時面色不好料是老爺昨日醉後失言湯裱褶獻勤唆至故此潛入房中拏了玉杯竟出後門見嚴府衆人將宅子團團圍住今見嚴爺和衆人都去了小的故此纔歸出杯介老爺這不是

玉杯生這事全虧你了。他出門時節，反覺沒趣。如今料已釋然了。小旦嚴家手段，又狠湯裱糊奸計，又多一時雖搜不出，或者反生惡計來害我們，亦未可知。生有理有理。功名事小，性命事大。我如今棄了此官，連夜回家便了。末老爺要去，切不可家去。生却是怎麼？末京中到家四千餘里，在路盤桓日久，倘或他料我們南行一路追來，路上必多不測。生往那里去便好？末向日戚總兵約老爺到鎮，我想薊州路近他，又不慮我們到彼，豈不穩便？生妙妙。

風入松末潛投虎寨寄鷓鴣消却憂心情悄悄小旦牢

籠脫卸多奇妙好一似相如歸趙生撇却了烏紗錦

袍做一箇鷄鳴起渡關逃末老爺和雪娥收拾行囊

小的准備乾糧一等門開就去且到路上去喚車馬

便了生有理

生一官敝屣等塵埃旦小藏識須珍羽化杯

末鰲魚脫却金鈎去合擺尾搖頭再不來

第十二齣 遣邏皆來

南呂引子生查子淨上雜隨上一物苦追求反覺交情敗

得失兩躊躇何計疑關解昨日爲聽湯北溪之言一時憤怒竟到莫太嘗寓所搜尋玉杯本意搜得出來一則得了至寶二則坐他一箇欺誑之罪他若要來修飾何止幾隻玉杯誰知再四尋覓並無踪影快快而歸論來莫太嘗也不敢欺我若果沒有此杯我昨日之舉豈不過當只是湯北溪也不敢哄我倘然藏過此杯我這一肚子怒氣怎肯干休已着人去喚湯北溪來問箇端的別有商議怎麼這時候還不來付淨上存心刻薄徹骨勢利險毒千般陰謀百計見介



一捧雪

淨昨日聽了你講到他寓所細細尋覓並不見什麼  
杯兒我仔細想將起來莫非你誤聽了他人講的話  
兒麼付淨湯勤親耳聽得他的話親眼見過他的杯  
安敢在恩爺面前掉謊一字若虛灰于刀劍之下淨  
這倒不消罰誓只是怎麼一箇計較兒又破了他的  
奸計又得了他的真杯便好

南呂過曲

奈子落瑣窓

奈子花

怪多端奸計安排氣忡忡惱

亂情懷尋思一捧奇珍堪愛何時得怒消心快

瑣窓寒

合細猜料伊焉敢惹飛菑莫不是弓影杯蛇騰騰付

淨此事再不消疑惑這杯若是真的他此時安坐寓  
中若杯兒有些蹺蹊昨夜決定連夜禿了淨他有官  
兒羈絆此身如何就禿

奈子宜春

奈子花

付淨富家郎性命如猷棄前程敝屣

丟開況虛心捏杌難容寧耐定做箇潛身遠害

宜春令

合好把天羅地網早排機械淨這也不難我就差人

去察訪便了番子手何在雜上混名番子手專會捉

鵝頭稟爺有何分付淨你到莫太嘗寓所去密密訪

他在寓所作何勾當察聽着實卽忙回報雜領鈞旨

一捧雪

用心防不測暗地察非嘗下丑扮將官領二雜上上

府傳金柝前軍擁鐵衣神策軍指揮兼護閣備操家

將郭宜叩頭淨你名募人馬都已停當了麼丑蒙爺

分付小將教練五千人都已精熟候爺操演淨我府

中所備人馬不比朝廷有名無實虛費錢糧掩飾故

事須要勇猛精悍以備不時之需丑老爺聽稟小將

所練的兵呵西江月健卒雄糾似虎驕驄奔軼如龍

刀鎗劍戟快如風銃响天搖地動○怕甚兵來將擋

須知馬到成功十分精練足英雄專候司空調用雜

奔上雞鳴孟嘗走乞食子胥逃稟爺莫太嘗果然逃  
去了淨作驚介怎麼說雜小的到他寓所見門戶洞  
開裏邊並無一人又細訪隣比道他昨夜收拾了一  
夜今早不知往那里去了付淨我道他必行此計淨  
果不出汝之所料怒介家將就着你領五百鐵騎望  
南一路星夜趕着把他斬首回話丑應介付淨且住  
他此一去豈不慮爺追趕決不歸家的若往南追必  
然趕他不着淨料他逃向何處付淨前日他進京時  
湯勤面見他與戚總兵相約此番必往薊州去了淨

一捧雪

上四十六

是戚繼光那里麼家將就往那里追去便了付淨凡  
事不可造次路上趕着殺了出于無名恩主還要想  
一話頭纔妙淨我如今先寫一牌與他前去再動一  
本便了寫介莫懷古盜竊太嘗神器擅離職守玩國  
欺君差軍擒獲所到地方不拘文武衙門卽行斬首  
覆旨付牌與丑介你此去呵

大石調  
過曲

催拍奉雷霆威嚴御差捲風雲驅馳絕塞休  
教浪挨休教浪挨捕獲逃俘細簡瓊杯押赴雲陽莫  
縱狼豺合從此去趙璧重來除奸宄絕根芽付淨那

莫太嘗巧計極多將軍須要仔細

正宮過曲一撮棹穿林麓簡點巧藏埋張羅網休被弄成

垂丑小將都曉得了承鈞旨星夜向磨厓人和物管

取獻銀臺合昔日烏江道今朝薊州界看指日奏凱

獻俘回丑領二雜下淨家將已去料應追着斬首付

了淨這本也畢竟就要提的淨我到裏面寫來傳奏便

淨笑無端弄巧成拙惹咱行拔刀見血

淨付豈區區撥草尋蛇也算做爲人爲徹

第十三齣

關攬 齊微

中呂過曲粉孩兒生執鞭小旦乘車末背包雜扮車夫上  
忙忙的掛賢冠離帝里脫餘生虎口遠投燕薊黃沙  
漠漠天欲低聽清笳幾處聲悲生我們自離京城行  
走幾日看看已是薊州地面了到了彼處纔得安穩  
快些趲行前去合望天關車馬馳驅逃生路敢憚迢  
遞俱下丑領四雜上

紅芍藥合馳鐵馬玉勒金羈晨昏趲電擊星馳一任  
你翩翩在天際怎當咱網羅牢砌我奉嚴爺之命領

兵追趕莫太嘗一路行來他果然帶着家小投奔薊  
州算他程途只隔幾里路倘然投了人家藏匿就難  
尋覓了如今天色漸暮不免快快趕上前去雜應介  
忙行緊緊颺旌旗映斜陽遠山嶺翠看鯨鯢指顧成  
灰顯將佐千丈豪氣俱下生小旦末雜又上

正宮過曲福馬郎合煞時寒雲黯四壘看一片天色昏黃

矣空倚屣不辨南和北礮共谿內作金鼓吶喊介生  
你聽何處兵馬之聲可不說歹人也聽軍兵喊聲追  
驚得我魂飄散足傾欹下丑雜追上



中呂過曲耍孩兒匹馬單車思脫逝怎識烏江道驀忽地  
撞入重圍下生衆上神靈願嘿嘿相週庇丑雜上提  
住生小旦雜介末避介私下丑早做箇狹路難迴避  
擒押虎牢拘繫丑問生小旦介你們是什麼人生我  
夫婦往薊州生理的丑陡胡說將刀嚇雜介你不說  
明就要砍首了雜此間莫爺要去投戚總兵的丑着  
着着叫軍校搜他身邊玉杯雜作搜介稟爺沒有玉  
杯丑拿住了人就無玉杯也是一功了此處到帥府  
已不多路不免連夜解到彼處斬首便了軍士們鑠

緊了他快行雜應介

會河陽丑衆斜月朦朧曲徑迷離心忙步緊失高低  
逶迤不辨羊腸好憑馬蹄遙聽得人聲沸市塵看攘  
攘成都會塞垣看濟濟屯車騎此處已是帥府門首  
不免傳鼓擊鼓介外領雜急奔上

縷縷金絲何事响如雷想因烽火急叩邊陲暮夜聞  
鼙鼓陡然驚異北門鎖鑰用心機疾忙叩詳細疾忙  
叩詳細出見介丑小將奉皇爺聖旨嚴府鈞旨率領  
五百鐵騎追趕逃職官員已經拿下要在爺麾下梟

首外可有鈞帖麼丑有遞牌與外看介外莫懷古盜竊太嘗神器擅離職守玩國欺君差軍擒獲所到地方不拘文武衙門卽行斬首覆旨作驚介如今這官兒在那里丑現拿在此衆帶生小旦入介外對生介你是應斬欽犯不許開口丑小將領旨原說一到所在衙門就要梟首的求爺快出軍令

越恁好莫教延緩莫教延緩早赴市曹西怕無端奸宄翻做出押道決藩飛忙梟首領覆京畿休遺罪戾外暮夜不是決人的時刻况我衙門是千軍萬馬的

所在決無疎失待我把他下在監中再撥些軍兵看守到明日清晨斬首便了

**丑**是外

旗牌官那里

**雜**有

外你把兩名欽犯上了刑具監着再撥二百名丁壯看守不得有誤

都干係

**雜**得令

押生小旦下

外

中軍官那里

**雜**有

外你翻羊窖酒整備筵席畱此間差官與五百軍士

到營中酒飯

**雜**領旨

外對丑介

兩日鞍馬勞倦且去

寬飲一回明早公事一完即便回奏罷了

**丑**

謝爺且

斟桑落酒聊慰玉關情

**同**雜俱下

外

可怪可怪不想

一捧雪 上五十

莫兄遭此奇禍

尾聲 灰生禍福須臾際 誼重金蘭敢浪題 好辨着義

膽忠肝還同荆聶齊下

第十四齣

出塞 先天

雙調 過曲 鎖南枝 末上 天般恨海樣冤嶮 巖世情山與川

驀忽地恩主遭擒 閃得我心驚戰 我莫誠跟隨老爺

避難到此不想追兵趕至 老爺和雪娘俱被擒獲 我

爲要求戚爺救俺主人 故此逃脫 不想他們果然將

我老爺解到帥府 方纔得聞說 竟把俺爺監了 趁此

夜深人靜不免捱到帥府門首候見戚爺苦求救俺  
主人則箇行介心如刺淚如泉嘆一霎里咬牙根不  
覺的步搖顫這里已是帥府門首靜悄悄絕無人聲  
半夜三更焉敢傳鼓只得伏在此處伺候機會便了  
伏地介外便服雜提燈隨上

前腔

換頭

外金蘭痛遭變臨危無計全暫假囹圄延緩

難覓天赦金雞怯似攢心箭我友莫無懷不知爲何  
事觸怒嚴家被擒至此奉旨立斬方纔他見我正欲  
聲言我想倘被這將官識我兩人交好就難做事了

故此假意喝住將他監禁只是縱然捱過一夜怎地  
保全他性命如今這些軍士多已酒酣歇息對雜介  
你快傳我旨意悄悄到監門首請莫爺和夫人到後  
堂來會雜介作開門外出介雜下末見外哭拜介  
老爺好救俺主人的性命外驚介呀是何人血淚漣  
向咱行懇方便末小的莫誠跟隨家主莫爺至此外  
我正要問你老爺爲何有此大變末家爺有一同行  
門客喚做湯勤原是裱糊出身外前日我曾見過來  
末後因家主薦與嚴府他就獻了家主的一捧雪外

什麼一捧雪末是一箇古玉杯乃是九世傳家之寶  
外這樣東西就送他罷了末家爺只說到家去取烙  
樣做成一隻送去外這就差了末誰想嚴爺認作真  
杯陞了家主太常正卿不意家主醉後失言露出假  
杯緣故外你老爺極有斟酌的人爲何如此末家爺  
是箇直人以湯勤爲心腹之交一時吐露衷腸不想  
湯勤報知嚴爺密至寓中搜取小人見嚴爺勢頭不  
好盜出真杯遂得掩飾過了家爺恐嚴家別計中傷  
故此逃避到此誰料中途被執栗介戚爺若不救拔



一捧雪

家主必登鬼錄矣外我已差人到獄中請你老爺去

了到時再作商議雜同生小旦鎖肘上見哭介

南呂哭相思合萬死餘生圖一見痛煞煞愁淚衍外

引子仁兄被難之由小弟悉知只是事已成拙禍在須臾

怎生是好生仁兄阿小弟今日這條性命呵

越調過曲小桃紅鬼門關上暫流連一似那泡影光如電

也真話連床翻成頃刻命歸泉哭介阿呀仁兄呵和

你漆膠堅憑伊有智通神手偷天重生我如絲喘也

感洪恩骨鏤心鐫小旦合望只望死生交早拯救斷

頭緣外小第千思百慮欲救仁兄只因你犯差了對頭方纔那將官呵

下山虎恁般催促勉強俄延待把你縲紲陳情辨怕帝聰隔懸兇悍卒如狼怎容消遣生仁兄必定爲弟商一萬全之策便好外罷罷罷我亦拼棄此官與我兄呵塞北天南圖瓦全肯將薄祿戀坐視你木囊頭泣斷猿生仁兄說那里話你若與我逃生你我俱有家小在家兩處追獲不惟無益於弟反有累于兄了林木池魚累必然蔓牽爭如我一死輕生真灑然內

一掛雪

作打四鼓介末老爺那成樓上已四鼓了若至五鼓  
天明便難措手了怎麼處生小旦哭介小旦老爺呵  
山麻樁痛永訣懸一線我待要代你捐身圖你生還  
生嬋娟怎能箇厮混却鬚眉顏面合越教人愁腸戚  
戚哭聲耿耿血淚涓涓末老爺且停悲泣聽小人一  
言告稟老爺承先老爺宗桃之重况公子年幼未列  
縉紳老爺一身關係非小只有小人世受秦養之恩  
此身之外無可報効今日里呵

五般宜遇着這今生仇夙生孽冤怎忍見擎天柱未

央命捐我揀得頸血濺黃泉生螻蟻尚然貪生我死  
乃分肉之事與汝何干這箇決使不得末老爺豈不  
見榮陽紀信萬年名顯我這里如歸視死望早把身  
潛害遠生雖承你高誼怎忍累你無辜我縱偷生于  
心何忍末那須箇守小信硜硜忌從權和達變外仁  
兄事已至此你上承祖宗之重任又受不共之大仇  
難得他一片奸心須勉強順從了罷末老爺若不容  
小人代死便當碎首堦前以表我心之堅也生若果  
如此你便是我莫門大恩人矣我倘得生歸故里汝

一捧雪 三

之父母卽我之父母汝之子孫卽我之子孫也請上  
受我一拜外如此忠義下官亦有一拜末可不折殺  
了小人生小旦外各拜末答拜介

蠻牌介外生小旦合金石寸心堅忠義實堪傳下宮  
聞嬰忤千古並稱賢撫育你兒孫幼年仰事你榆景  
椿萱生同出死獨先身騎箕尾名重山川內作雞鳴  
介末雞已鳴了天明頃刻望老爺作速把巾服鎖肘  
與小人穿戴起來生事雖如此我心何安外仁兄快  
些不可遲滯了生脫介末戴巾着衣上鎖肘介

亭前柳未脫犢褌戴賢冠身拘鎖手癢瘥食刀惟飲  
血名姓敢聲言告天天須念使魂旋伴故主共返家  
園外仁兄此去決不可回家小弟有把總割付一道  
與兄填名歸復取他日歸家復仇之意另備鞍馬一  
匹盛甲一付令箭一枝仁兄作速打點出關竟到潮  
河川魏叅將處安身俟有好音小弟差人來相請便  
了生多謝恩兄小弟所存玉杯奉兄爲壽外豈敢小  
弟若利此杯則與若輩一例矣只是我兄孤身豈宜  
懷挈重寶弟當代爲吾兄收藏俟兄入關使杯早歸

故主便了生指小旦介此女幸兄善視之外罪不及  
干妻孥弟當力爲保全安居內室以俟好音便了生  
披掛介

江頭送別戎衣着戎衣着策馬加鞭孤身向孤身向  
黃沙荒甸向外掩淚介向伊展轉肝腸斷反教人欲  
去難前外東方動了快些出關罷生多謝仁兄小弟  
就此去了踰破玉籠飛彩鳳頓開金鎖走蛟龍下外  
對雜介你可悄悄仍送兩位到監不可將言語泄漏  
了雜曉得

尾聲外成仁取義心無怨小旦自愧我偷生肺腑末  
憑着我一點忠心歸九天雜同末小旦下外難得難  
得世間有此義士可敬可敬

貪夫逐功名 庸人戀妻子

碌碌世間徒 若箇了生灰

第十五齣

伐戮蕭豪

二維扮刀斧手上青鯨緣鞢昆刀利赤豹蒙鞍宛馬  
高軍容坐撼山川動殺氣橫冲草木號俺們乃薊州  
鎮上帥府營中刀斧手是也俺老爺身膺皇命坐鎮



邊關管轄百萬熊羆統領十千將佐風生羽扇霜肅  
油幢舊策三韜蒙古聞名膽落漸圖八陣金人見說  
心驚邊若星羅那寧夏邊甘肅邊三關邊固原邊邊  
邊拱伏鎮如碁置那遼東鎮宣府鎮大同鎮延綏鎮  
鎮鎮推雄橫梁賦詩指顧馬龍關氏血彈棋却敵笑  
談旗掛獎丹頭正是功名他日登麟閣富貴于今耀  
虎符早上傳令今日處斬欽犯官員要親赴將臺只  
得在此伺候道猶未已老爺早已升帳了內鼓樂介  
外蟒服領衆上

中呂過曲 泣顏回外 持鉞鎮天驕玉帳貔貅環遶風霜號

令山河半壁永保叫衆將官擺開圍子行到將臺上

去衆得令行介外衆合營開細柳颺旌旗影亂雲霞

繞觀黃金斗大腰懸拜丹鳳書喻天表坐介衆軍士

們叩頭外起去衆應介丑領雜上

前腔頭換丑弓刀簇擁陣雲高早向那處帳曲躬頻禱

小將叩頭外請起丑聖旨嚴限時刻不可有違雷霆

震怒頃刻用張天討星期緊迫把俘囚赴法雲陽早

外曉得了將士們聽者速到監中取出犯官并那婦

人來衆應下外合耀銀鍔閃爍龍文斬鯨鯢拉摧枯  
草雜押末小旦上閻王註定三更死斷不留人到四  
更稟爺犯官拿到了外分付綁縛手把莫懷古緊緊  
綁着衆領鈞旨綁末介小旦哭唱衆合介

千秋歲怨冲霄不禁哀哀叫痛裸體渾似俘殍髮髮  
蓬鬆髮髮蓬鬆止剩得飲恨啣冤聲悄衆稟爺綁完  
了劊子獻刀外時辰已至就押赴轅門梟首衆得令  
外將令旗與丑介煩貴職卽往監斬丑是合傳軍令  
龍吟嘯鳴金鼓雷轟鬧頃刻游魂渺看雲寒日慘鬼

哭神號衆作斬末下內鳴金鼓放砲吶喊介丑衆獻  
人頭上稟爺獻首級小旦作抱頭跌哭介

越恁好小旦合劍光落處劍光落處滴溜溜血似濤  
恨無情三木早斷送玉山倒淚涓涓湧潮淚涓涓湧  
潮把喘吁吁一魂兒追上碧霄恨怨海仇山向堦前  
碎首時揀葬遠郊外押住了那婦人不許將首級傷  
損衆應介合生前定命內招修短應難係枉千般痛  
哭百計悲悼丑求爺早發回批小將就要覆旨了外  
這婦人牌上原無罪犯且畱在此處監着候旨那首

級卽用桶子盛好我就寫文書與你回京便了

**丑**是

外寫文書介雜將頭入桶封介

紅繡鞋合把文憑貼肉收牢收牢將首級肩上海挑

橫挑驅將士走迢遙騎戰馬奔跑哮離邊塞覆皇朝

**丑**稟爺小將就此去了外路上小心**丑**曉得殺氣清

金肅兵威壯鐵冠領衆下外中軍官聽令雜是外在

府內左右打掃空房數間撥二名老嫗整備日逐供

應送莫夫人在彼居住不可有誤雜曉得外分付就

此回府衆得令

尾聲外生離死別非輕小衆國法王章怎恕饒外誰  
識我就裏機關全故交

一笠菴新編一棒雪傳奇卷上

終